

ac splendidae dictionis oboritur ei, qui potest quantum potest laudare quem nemo convenienter laudat, nemo quomodocumque non laudat. At si non colatur, aut cum illo vel etiam præ illo colantur idola, sive dæmonia, sive quæcumque creatura, quantum hoc malum sit, atque ut ab hoc malo avertantur homines, debet utique granditer dici.

CAPUT XX.

Exempla ex sacris Litteris, primum dictionis submissæ. — Temperato dictionis exemplum. — Grande dicendi genus quo differat a temperato. — Grandis dictionis exemplum.

XXXIX. SUBMISSÆ dictionis exemplum est apud apostolum Paulum, ut planius aliquid commovere, ubi ait: « Dicite mihi sub Lege volentes esse: Legem non audistis? » Scriptum est enim quod Abraham duos filios habuit, » unum de ancilla, et unum de libera: sed ille qui de ancilla, secundum carnem natus est, qui autem de libera, » per reprobationem: que sunt in allegoria. Haec enim sunt duo Testamenta; unum quidem a monte Sina in servitutem generans, que est Agar. Sina enim mons est in Arabia, qui conjunctus est huic, que nunc est Ierusalem, et servit cum filii suis. Que autem sursum est Ierusalem, libera est, que est mater nostra¹, etc. Itemque ubi ratioinatur, et dicit: « Fratres, secundum hominem dico, tamen hominis confirmatum Testamentum nemo irritum facit, aut superordinat. Abraham dictæ sunt promissiones et semini ejus. Non dicit: Et semini-

» bus, tanquam in multis, sed tanquam in uno, Et semini tuo, quod est Christus. Hoc autem dico, testamentum confirmatum a Deo, quæ post quadringentos et trintigia annos facta est Lex, non infirmat ad evacuandas promissiones. Si enim ex Lege hæreditas, jam non ex promissione. Abraham autem per reprobationem donavit Deus². » Et quia occurtere poterat audientis cogitationi: Ut quid ergo Lex data est, si ex illa non est hæritatis? ipse sibi hoc objicit, atque ait velut interrogans, « Quid ergo Lex? » Deinde respondit: « Transgressionis gratia proposita est, donec veniret semen cui promissum est, disposita per Angelos in manu Mediatoris. Mediator autem unius non est, Deus vero unus est³. » Et hic occurrebat, quod sibi ipse proposuit. « Lex ergo ad versus promissa Dei? » Et respondit, « Absit. » Reddeditque rationem dicens: « Si enim data esset Lex, quæ posset vivificare, omnino ex Lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus⁴, etc. » vel si quid ejusmodi est. Pertinet ergo ad docendi curam non solum aperiri clausa, et nodos solvere quæstionum; sed etiam dum hoc agitur, alii quæstiōnibus, quæ fortassis incident, ne id quod dicimus improbetur per illas; aut refellatur, occurtere: si tamen et ipsa carum solutio pariter occurrit, ne moveamus quod auferre non possumus. Fit autem ut cum incidentes questioni alias quæstiones, et aliae rursus incidentibus incidentes pertRACTANTUR atque solvuntur, in eam longitudinem ratiocinationis extendatur intentio, ut nisi memoria plurimum valeat, atque vigeat, ad caput unde agebatur disputator redire non possit. Valde autem bonum est, ut quidquid contradic potest, si occurrit, refutetur; ne ibi occurrat, ibi non erit qui respon-

¹ Gal. iv, 21-26. — ² Ibid. 19, 20. — ³ Ibid. 21, 22.

deat; aut presenti quidem, sed tacenti occurrat, et minus sanatus abscedat.

XL. In illis autem apostolicis verbis dictio temperata est: « Seniorem ne increparis, sed obsecra ut patrem, » juniores ut fratres, anus ut matres, adolescentulas ut sorores¹. » Et in illis, « Obsecro autem vos, fratres, per miserationem Dei, ut exhibeatis corpora vestra hostiam vivam, sanctam, Deo placentem². » Et totus fere ipsius exhortationis locus temperatum habet elocutionis genus: ubi illa pulchriora sunt, in quibus propria proris tanquam debita redditio decenter excurrunt, sicuti est: « Habentes dona diversa secundum gratiam quae data est nobis; sive prophetiam, secundum regulam fidei; sive ministerium, in ministrando; sive qui docet, in doctrina; sive qui exhortatur, in exhortatione; qui trahit, in simplicitate; qui praest, in sollicitudine; qui miseretur, in hilaritate. Dilectio sine simulatione; odio habentes malum, adhaerentes bono: charitate fraternalis invicem diligentes, honore mutuo prevenientes, studio non pigri, spiritu ferventes, Domino servientes, spe gaudentes, in tribulatione patientes, orationi instantes, necessitatibus sanctorum communicantes, hospitalitatem sectantes. Benedicite perseverantibus vos, benedicte et nolite maledicere. Gaudere cum gaudentibus, flere cum flentibus: id ipsum invicem sentientes³. » Et quam pulchra ista omnia sic effusa, bimembri circuitu terminantur, « Non alta sapientes, sed humilibus contentientes⁴? » Et aliquanto post: « In hoc ipso, inquit, perseverantes, redditte omnibus debita; cui tributum, tributum; cui vectigal, vectigal; cui timorem, timorem; cui honorem, honorem⁵. » Quae membratim fusa clauduntur etiam ipsa circuitu, quem duo membra con-

textunt, « Nemini quidquam debeatis, nisi ut invicem diligatis¹. » Et post paululum, « Nox praecessit, inquit, dies autem appropinquavit. Abjecimus itaque opera tenetiarum, et induamus arma lucis: sicut in die honeste ambulemus; non in comissionibus et ebrietatis tibus, non in cubilibus et impudiciis, non in contentione et similitudine; sed induite Dominum Iesum Christum: et carnis providentiam ne feceritis in concupiscentias². » Quod si quisquam ita diceret: Et carnis providentiam ne in concupiscentiis feceritis; sine dubio aures clausula numerosiore mulceret: sed gravior interpretis etiam ordinem maluit tenere verborum. Quomodo autem hoc in greco eloquio sonet, quo est locutus Apostolus, viderit ejus eloqui usque ad ista doctores: mihi tamen quod nobis eodem verborum ordine interpretatum est, nec ibi videtur currere numerose.

XLI. Sane hunc elocutionis ornatum, qui numerosis fit clausulus, deesse fatendum est auctoribus nostris. Quod utrum per interpres factum sit, an (quod magis arbitrator) consulto illi haec plausibilia devitaverint, affirmare non audeo, quoniam me fateor ignorare. Illud tamen scio, quod si quisquam hujus numerositatis peritus, illorum clausulas eorumdem numerorum lege componat, quod facilime fit mutatis quibusdam verbis, quae tantumdem significativa valent, vel mutato eorum quae invenierit ordine: nihil illorum, que velut magna in scholis grammaticorum aut rhetorum didicit, illis divinis viris defuisse cognoscat. Et multa reperiet locutionis genera tanti decoris, quae quidem et in nostra, sed maxime in sua lingua decora sunt, quorum nullum in eis, quibus isti inflantur, litteris inveniuntur. Sed cavendum est ne divinis gravibusque sententias, dum additur numerus, pondus detrahatur.

¹ Tim. v, 1. — ² Rom. xii, 1. — ³ Ibid. 6-16. — ⁴ Ibid. — ⁵ Id. xii, 7.

tur. Nam illa musica disciplina, ubi numerus iste plenissime discitur, usque adeo non defuit Prophetis nostris, ut vir doctissimus Hieronymus quorundam etiam metra commemoret¹, in hebreia duxat lingua: cuius ut veritatem servaret in verbis, hæc inde non transtulit. Ego autem ut de sensu meo loquar, qui mihi quam aliis et quam aliorum est utique notior, sicut in meo eloquio, quantum modeste fieri arbitror, non prætermittit istos numeros clausularum; ita in auctoribus nostris hoc mihi plus placet, quod ibi eos rarissime invenio.

XLII. Grande autem dicendi genus hoc maxime distat ab isto genere temperato, quod non tam verborum ornatus compunctum est, quam violentum animi affectibus. Nam capit etiam illa ornamenta pene omnia: sed ea si non habuerit, non requirit. Fertur quippe impetu suo, et elocutionis pulchritudinem si occurrerit, vi rerum rapit, non cura decoris assumit. Satis enim est ei propter quod agitur, ut verba congruentia, non oris eligantur industria, sed pectoris sequantur ardorem. Nam si aurato gemmatoque ferro vir fortis armetur, intentissimum pugnae, agit quidem illis armis quod agit, non quia pretiosa, sed quia arma sunt: idem ipse est tamen et yalet plurimum, etiam cum rimanti telum ira facit⁽¹⁾. Agit Apostolus, ut pro evangelico ministerio patienter mala hujus temporis, cum solatio donorum Dei, omnia tolerentur. Magna res est, et granditer agitur, nec desunt ornamenta dicendi: « Ecce, » inquit, nunc tempus acceptable, ecce nunc dies salutis. Nullam in quoquam dantes offendionem, ut non reprehendatur ministerium nostrum: sed in omnibus commendantes nosmetipso ut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in la-

¹ In prologo super Job.

» boribus, in vigiliis, in jejunii, in castitate, in scientia, in longanimitate, in benignitate, in Spiritu sancto, in charitate non facta, in verbo veritatis, in virtute Dei: per arma justitiae a dextris et a sinistris, per gloriam et ignobilitatem, per infamiam et bonam famam: ut se-» ductores, et veraces; ut qui ignoramus, et cognoscimur, quasi morientes, et ecce vivimus; ut coerciti, et non mortificati; ut tristes, semper autem gaudentes; sicut egeni, multos autem ditantes; tanquam nihil habentes, et omnia possidentes². » Vide adhuc ardenter, « Os nostrum patet ad vos, o Corinthii: cor nostrum dilatum est² », et cetera, quæ persequi longum est.

XLIII. Itemque ad Romanos agit, ut persecutio-nes hujus mundi charitate vincantur, spe certa in adjutorio Dei. Agit autem et granditer et ornata. « Scimus, inquit, quoniam diligentibus Deum omnia cooperantur in honorenum, iis qui secundum propositum vocati sunt. Quoniam quos ante praescivit, et praedestinavit conformes imaginis Filii sui, ut sit ipse primogenitus in multis fratribus. Quos autem praedestinavit, illos et vocavit; et quos vocavit, ipsos et justificavit; quos autem justificavit, illos et glorificavit. Quid ergo dicemus ad haec? Si Deus pro nobis, quis contra nos? Qui proprio Filio non pepercit, sed pro nobis omnibus tradidit illum, quomodo non etiam cum illo nobis omnia donavit? Quis accusabit adversus electos Dei? Deus qui justificat? Quis est qui condemnnet? Christus Jesus qui mortuus est, magis autem qui resurrexit, qui est in dextera Dei, qui et interpellat pro nobis? Quis nos separabit a charitate Christi? Tribulatio, an angustia, an persecutio, an famæ, an nuditas, an periculum, an gladius? Sicut scriptum est: Quoniam propter te mortificamur tota

¹ 2 Cor. vi, 2-10. — ² Ibid. 11.

» die, aestimati sumus ut oves occasionis¹. Sed in his omnibus supervincimus per eum qui dilexit nos. Certus sum enim quia neque mors, neque vita, neque Angeli, neque principatus, neque presentia, neque futura, neque virtus, neque altitudo, neque profundum, neque creatura alia poterit nos separare a charitate Dei, que est in Christo Iesu Domino nostro².

XLIV. Ad Galatas autem quamvis tota ipsa Epistola submisso dicendi genere scripta sit, nisi in extremis partibus ubi est eloquium temperatum; tamen interponit quendam locum ex motu animi, ut sine ullis quidem talibus ornamentis; qualia sunt in iis quae modo posuimus, non posset tamen nisi granditer dici. « Dies, inquit, observatis et menses, et annos, et tempora. Timeo vos ne forte sine causa laboraverim in vos. Estote sicut et ego, quoniam et ego sicut vos: fratres, precor vos, nihil me laesistis. Scitis quia per infirmitatem carnis iampridem evangelizavi vobis, et tentationes vestras in carne mea non sprevisistis, neque respusistis; sed sicut Angelum Dei excopistis me, sicut Christum Jesum. Quae ergo fuit beatitudo vestra? Testimonium vobis perhibeo, quoniam si fieri posset, oculos vestros eruissetis et deissetis mihi. Ergo iniuriam factus sum vobis verum predicanus? Emanulant vos non bene; sed excludere vos volunt, ut eos emulemini. Bonum est autem in bono amulari semper, et non solum cum praesens sum apud vos Filioi mei, quos iterum parturio donec formetur Christus in vobis. Vellem autem nunc adesse apud vos, et mutare vocem meam, quia confundor in vobis³. » Numquid hic aut contraria contrariae verba sunt redditia, aut aliqua gradatione sibi subnexa sunt, aut cesa et membra circuitusve sonuerunt? et tamen

¹ Psal. xliii, 22. — ² Rom. viii, 28-39. — ³ Gal. iv, 10-20.

non ideo tenet grandis affectus, quo eloquium fervore sentimus.

CAPUT XXI.

Exempla ex doctoribus ecclesiasticis. — Submissæ dictionis exemplum. — Temperatæ dictionis exemplum. — Grandis generis exemplum.

XLV. Sed apostolica ista sic clara sunt, ut et profunda sint; atque ita conscripta memoriaeque mandata, ut non solum lectore vel auditore, verum etiam expositore opus habeant, si quis in eis non superficie contentus altitudinem querat. Quapropter videamus ista genera dicendi in eis, qui istorum lectione ad rerum divinarum atque salutibrium scientiam profecerunt, eamque Ecclesie ministrarunt. Beatus Cyprianus submisso dicendi genere utitur in eo libro, ubi de Sacramento calicis disputat. Solvitur quippe ibi quæstio, in qua queritur utrum calix dominicus aquam solam, an cam vino mixtam debeat habere. Sed exempli gratia aliquid inde ponendum est. Post principium ergo Epistolæ, jam solvere incipiens propositam questionem, « Admonitos autem nos scias, inquit, ut in calice offerendo dominica traditio servetur, neque aliud fiat a nobis, quam quod pro nobis Dominus prior fecit, ut calix, qui in commemorationem ejus offertur, vino mixtus offeratur. Nam cum dicat Christus, *Ego sum vitis vera*, sanguis Christi, non aqua est utique, sed vinum, nec potest videri sanguis ejus, quo redempti et vivificati sumus, esse in calice, quando vinum desit

¹ Joan. xv, 5.

» calici, quo Christi sanguis ostenditur; qui Scripturarum
 » omnium sacramento ac testimonio predicator. Inveni-
 » mus enim in Genesi circa sacramentum Noë hoc idem
 » precurrisse¹, et figuram dominice passionis illuc exti-
 » tisse, quod vinum biberit, quod inebriatius est, quod in
 » domo sua nudatus est, quod fuit recubans nudis et pa-
 » tentibus femoribus, quod nuditas illa patris a medio
 » filio denotata est: a majore vero et minore contexta,
 » et cætera que necesse non est exequi, cum satis sit
 » hoc solum complecti, quod Noë typum futuræ veritatis
 » ostendens, non aquam sed vinum biberit; et sic imagi-
 » nem dominice passionis expresserit. Item in sacerdote
 » Melchisedech dominicum sacramentum præfiguratum
 » videmus, secundum quod Scriptura divina testatur, et
 » dicit: *Et Melchisedech rex Salem protulit panem*
 » et *vinum. Fuit autem sacerdos Dei summi, et bene-*
*dixit Abraham*². Quod autem Melchisedech typum
 » Christi portaret, declarat in Psalmis Spiritus sanc-
 » tus, ex persona Patris ad Filium dicens: *Ante Luciferi*
rum genuit te. Tu es sacerdos in æternum secundum
*ordinem Melchisedech*³. Hac et alia que sequuntur
 » hujus Epistole, submissæ dictio[n]is modum servant, quod facile est explorare legentibus.

XLVI. Sanctus quoque Ambrosius cum agat rem mag-
 nam de Spiritu sancto, ut eum Patri et Filio demonstret
 aequalem, submissa tamen dicendi genere uitior; quoniam
 res suscepta non ornamenta verborum, aut ad flectendos
 animos commotionis affectum, sed rerum documenta de-
 siderat. Ergo inter cætera in principio hujus operis ait:
 « Commotus oraculo Gedeon⁴, cum audisset quod defi-
 » cieritibus licet populorum millibus, in uno viro Domi-

¹ Gen. ix, 21. — ² Id. xiv, 18. — ³ Psal. cxv, 4. — Ex Cypriano in epist.
 lxiii ad Ceciliūm de Sacramento calicis. — ⁴ Iudic. vi, 19.

» nus plebem suam ab hostibus liberaret, obtulit hecnum
 » caprarum, cuius carnem secundum præceptum Angeli
 » et azyma supra petram posuit, et ea iure perfudit: quæ
 » simul ut virge cacumine, quam gerebat, Angelus Dei
 » contigit, de petra ignis erupit, atque ita sacrificium
 » quod offerebatur absumptum est. Quo indicio declara-
 » tum videtur, quod petra illa typum haberit corporis
 » Christi, quia scriptum est, *Bibebant de consequenti*
*petra; petra autem erat Christus*⁵. Quod utique non
 » ad divinitatem ejus, sed ad carnem relatum est, quæ
 » sicutenim corda populorum perenni rivo sui sanguinis
 » inundavit. Jam tunc igitur in mysterio declaratum est,
 » quia Dominus Jesus in carne sua, totius mundi peccata
 » crucifixus aboleret, nec solum delicta factorum, sed
 » etiam cupiditates animorum. Caro enim hædi ad cul-
 » pam facti refertur; jus ad illecebras cupiditatum, sicut
 » scriptum est: *Quia concupivit populus cupiditatem*
*pessimam, et dixerunt: Quis nos cibabit carne?*⁶
 » Quod igitur extendit Angelus virgam, et tetigit petram,
 » de qua ignis exiit, ostendit quod caro Domini Spiritu
 » repleta divino, peccata omnia humanae conditionis exu-
 » ret. Unde et Dominus ait: *Ignem veni mittere in*
*terram*⁷, et cætera: in quibus rei docende ac probande
 » maxime incumbit⁸.

XLVII. De genere temperato est apud Cyprianum vir-
 » ginitatis illa laudatio: « Nunc nobis ad virgines sermo est,
 » quarum quo sublimior gloria est, maior et cura. Flos
 » est illæ ecclesiastici germinis, decus atque ornamentum
 » gratiae spiritalis, leta indoles laudis et honoris, opus
 » integrum atque incorruptum, Dei imago respondens ad
 » sanctimoniam Domini, illustrior portio gregis Christi.

⁵ Cor. x, 4. — ⁶ Num. xi, 4. — ⁷ Luc. xii, 49. — ⁸ Ex Ambrosio
 lib. i de Spiritu sancto in prologo.

» Gaudet per ipsas, atque in illis largiter floret Ecclesia
 » matris gloria fecunditas : quantoque plus gloria
 » virginitas suo numero addit, tanto plus gaudium ma-
 » tris augescit. Et alio loco in fine Epistole : *Quomodo*
portavimus, inquit, *imaginem ejus qui de limo est*,
*sic portemus et imaginem ejus qui de caelo est*¹.
 Hanc imaginem virginitas portat, portat integritas,
 » sanctitas portat et veritas; portant disciplinae Dei mo-
 » res, justitiam cum religione retinetes, stabiles in
 » fide, humiles in timore, ad omnem tolerantiam fortes,
 » ad sustinendas injurias mites, ad faciendam misericor-
 » diam faciles, fraterna pace unanimes atque concordes.
 » Quæ vos singula, o bone virgines, observare, diligere,
 » implere debetis, quæ Deo et Christo vacantes, ad Do-
 » minum, cui vos dicastis, majore et meliore parte pre-
 » ceditis. Provectæ annis, junioribus facite magisterium;
 » minores natu, præbete majoribus ministerium, compa-
 » ribus incitamentum; hortamentis vos mutuis excitate,
 » æmulis de virtute documentis ad gloriam provocate;
 » durate fortiter, spiritualiter persegit: perveniente felicitate,
 » tantum memento tunc nostri, cum incipiet in vobis
 » virginitas honorari².

XLVIII. Ambrosius etiam genere dicendi temperato et ornato professis virginibus proponit, tanquam sub exempli forma, quod moribus imitentur, et dicit : « Virgo erat, non solum corpore, sed etiam mente, quæ nullo doli ambitu sincerum adulteraret affectum: corde humilis, verbis gravis, animi prudens, loquendi parcior, legendi studiosior, non in incerto divitiarum, sed in prece pauperis spem reponens, intenta operi, verecunda sor- moni; arbitrum mentis solita non hominem, sed Deum

¹ Cor. xv, 49. — ² Ex Cypriano in tractatu de Disciplina et habitu Vi-
ginium.

» querere; nullum iedere, bene velle omnibus, assur-
 » gere majoribus natu, æqualibus non invidere, fugere
 » jactantiam, rationem sequi, amare virtutem. Quando
 » ista vel vultu lasit parentes? Quando dissensit a pro-
 » pinquis? Quando fastidivit humilem? Quando risit de-
 » bilem? Quando vitavit inopem? Eos solos solita ceterus
 » virorum invisere, quos misericordia non erubesceret,
 » neque præterire verecundia. Nihil torvum in oculis:
 » nihil in verbis procax, nihil in actu inverecundum; non
 » gestus fractor, non incessus solutior, non vox petulan-
 » tior, ut ipsa corporis species simulacrum fuerit mentis,
 » et figura probitatis. Bona quippe domus in ipso vesti-
 » bulo debet agnosciri, ac primo prætentat ingressu, nihil
 » intus latere tenebrarum, tanquam lucernæ lux intus
 » posita, foris luceat. Quid ego exequar ciborum par-
 » cimoniam, officiorum redundantiam, alterum ultra
 » naturam superfluisse, alterum ipsi nature pene defuisse?
 » Illic nulla intermissa tempora, hic congerimati jejunio
 » dies; et si quando reficiendi successisset voluntas, cibus
 » plerumque obvius qui mortem arceret, non delicias
 » ministraret¹, etc. » Haec autem propterea in exemplo
 » hujus temperati generis posui, quia non hic agit ut vir-
 » ginatatem voleant, que nondum voverunt; sed quales
 » esse debeat, que jam vota sunt. Nam ut aggrediatur
 » animus tantum ac tale propositum, grandi utique dicendi
 » genere debet excitari, et accendi. Sed martyr Cyprianus
 » de habitu virginum, non de suscipiendo virginitatis pro-
 » posito scripsit. Iste vero episcopus etiam ad hoc eas magno
 » accedit eloquio.

XLIX. Verum ex eo quod ambo egerunt, dictioris grandis exempla memorabo. Ambo quippe invecti sunt in eas, que formam pigmentis colorant, vel potius decolorant:

¹ Ex Ambroso de Virginibus lib. ii in principio.

quorum prior ille cum hoc ageret, ait inter cetera : « Si quis pingendi artifex vultum alicuius et speciem, et corporis qualitatem simulcolo colore signasset; et signato jam consummatoque simulacro, manus alius inferret, ut jam formata, jam picta quasi peritior reformaret, gravis prioris artificis injurya et justa indignatio videtur. Tu te existimas impune latram tam improbae tenuis audaciam, Dei artificis offensam? Ut enim impudica circa homines, et incesta fucis lenocinantibus non sis, corruptis violatisque quae Dei sunt, pejor adultera detineris. Quod ornari te putas, quod putas comi, impugnatio est ista divini operis, prævaricatio est veritatis. Monitus Apostoli vox est : *Expurgate vetus fermentum, ut sitis nova conspersio, sicut estis azymi.* Etenim Pascha nostrum immolatus est Christus. Itaque festa celebremus, non in fermento veteri, neque in fermento malitiae et nequitie, sed in azymis sinceritatis et veritatis¹. Num sinceritas perseverat et veritas, quando quae sincera sunt polluantur, et colorum adulterii, et medicamentorum fucis in mendacium vera mutantur? Dominus tuus dicit: *Non potes facere capillum unum album aut nigrum*²: et tu ad vincendam Domini tui vocem vis te esse potiorem. Audaci conatu et sacrilego contemptu crines tuos infici, male presagio futurorum capillos jam tibi flammeos auspicaris³ ». Longum est inserere omnia que sequuntur.

L. Ille vero posterior ut in tales diceret : « Hinc illa, inquit, nascantur incentiva vitiorum, ut quæsitis doloribus ora depingant, dum viris displicere formidant, et de adulterio vultus meditentur adulterium castitatis.

¹ 2 Cor. v, 7. — ² Matth. v, 36. — ³ Ex Cypriano in tractatu de disciplina et habitu Virginum.

» Quanta haec amentia, effigiem mutare naturæ, picturam querere: et dum verentur maritale judicium, prodere suum? Prior enim de se pronuntiat, quæ cupit mutare quod nata est: ita dum alii studet placere, prius ipsa sibi displicet. Quem judicem, mulier, veriorem requiremus deformitatis tuæ, quam te ipsam, quæ videri times? Si pulchra es, cur absconderis? Si deformis, cur te formosam esse mentiris, nec tuæ conscientię, nec alieni gratiam erroris habitura? Ille enim alteram dilighit, tu alteri vis placere: et irascoris si amet alteram, qui adulterare in te docetur. Mala magistra es injuria tuæ. Lenocinari enim refutit, etiam quæ est passa lenonem: ac licet vilis mulier, non alteri tamen, sed sibi peccat. Tolerabiliora propemodum in adulterio crimina sunt: ibi enim pudicitia, hic natura adulteratur¹. » Satis, ut existimo, appareat feminas, ne suam fucis adulterant formam, et ad pudorem et ad timorem hac facundia vehementer impelli. Proinde neque submissum, neque temperatum, sed grande omnino genus hoc elocationis agnoscamus. Et in his autem quos duos ex omnibus propone volui, et in aliis ecclesiasticis viris et bona, et bene, id est, sicut res postulat, acute, ornate, ardenterque dicentibus, per multa corum scripta vel dicta possunt haec tria genera reperi, et assida lectione vel auditione, admixta etiam exercitatione, studentibus inolescere.

¹ Hoc sunt ex Ambrosio desumpta lib. 1, de Virginitate. Quod in libro primo de Virginitate, capitulo 10, secundum librum 3, capitulo 10: *infectio maritalem primis annis* (sic) *admodum nimis atra, intundit et* *debet in modum hæc quædam, non omnino prædicta* *etiam in modum hæc quædam, non omnino* *debet in modum hæc quædam, non omnino* *debet in modum hæc quædam, non omnino*.

CAPUT XXII. *an hanc volumen s
erat, mensa sua
Omnibus generibus dictio varianda est.*

LII. Nec quisquam preter disciplinam esse existimet ista miscere: immo quantum congrue fieri potest, omnibus generibus dictio varianda est. Nam quando prolixa est in uno genere, minus detinet auditorem. Cum vero sit in aliud ab alio transitus, etiamsi longius eat, decentius procedit oratio: quamvis habeant et singula genera varietates suas in sermone eloquentiam, quibus non sinnuntur in eorum, qui audiunt, frigescere vel tepescere sensibus. Verumtamen facilius submissum solum, quam solum grande diutius tolerari potest. Commotio quippe animi quanto magis excitanda est, ut nobis assentiantur auditor, tanto minus in ea diu teneri potest, cum fuerit quantum satis est excitata. Et ideo cavendum est ne, dum volumus altius erigere quod erectum est, etiam inde decidat, quo fuerat excitatione perductum. Interpositis vero que sunt dicenda submissus, bene redditur ad ea quae opus est granditer diei, ut dictions impetus sicut maris aestus alternet. Ex quo fit ut grande dicendi genus, si diutius est dicendum, non debeat esse solum, sed aliorum generum interpositione varietur: ei tamen generi dictio tota tribuitur, cuius copia prævaluerit.

*... inveniuntur multa videntur, ut quicquid
... dico, dico, dico, dico, vix deponere formidam
... dulciter. Vultus meus denique ad suam castitatem
... vix. — 7. — 7. As I suppose in tractate de Medicina et Medicis Virginea.*

CAPUT XXIII.

Quomodo intermisceda dictionis genera.

LII. INTEREST enim quod genus cui generi interponatur, vel adhibeatur, certis et necessariis locis. Nam et in grandi genere semper aut pene semper temperata decet esse principia. Et in potestate est eloquentis, ut dicantur nonnulla submissa etiam quae possent granditer dici, ut ea quae dicuntur granditer, ex illorum fiant comparatione grandiora, et eorum tanquam umbris luminosiora redantur. In quocumque autem genere aliqua questionum vincula solvenda sunt, acumine opus est, quod sibi submissum genus proprie vindicat. Ac per hoc eo genere utendum est et in aliis duobus generibus, quando eis ista incident: sicut laudandum aliquid vel vituperandum, ubi nec damnatio cuiusquam nec liberatio, nec ad actionem quamlibet assensio requiritur, in quo cumque alio genere occurrit, genus adhibendum et interponendum est temperatum. In grandi ergo genere inveniunt locos suos duo cetera, et in submisso similiter. Temperatum autem genus non quidem semper, sed tamen aliquando submisso indiget, si, ut dixi, questio, cuius nodus est solvendus, incurrat, vel quando nonnulla, quae ornari possent, ideo non ornantur, sed submisso sermone dicuntur, ut quibusdam quasi toris ornamentorum praebent eminentiorem locum. Grande autem genus temperata dictio non requirit: ad delectandos quippe animos, non ad movendos ipsa suscipitur.

CAPUT XXIV.

Sublime dicendi genus quid efficiat.

LIII. Non sane si dicenti crebrius et vehementius acclametur, ideo granditer putandus est dicere: hoc enim et acumina submissi generis, et ornamenta faciunt temperati. Grande autem genus plerumque pondere suo voces premit, sed lacrymas exprimit. Denique cum apud Cæsaréam Mauritanie populo dissuaderem pugnam civilem, vel potius plus quam civilem, quam *Catervam* vocabant, neque enim cives tantummodo, verum etiam propinquí, fratres, postremo parentes ac filii lapidibus inter se in duas partes divisi, per aliquot dies continuos, certo tempore anni solemniter dimicabant, et quisque ut quemque poterat occidebat. Egi quidem granditer, quantum valui, ut tam crudele atque inverteratum malum de cordibus et moribus eorum avellerem, pelleremque dicendo: non tamen egisse aliquid me putavi, cum eos audirem acclamantes, sed cum flentes viderem. Acclamationibus quippe se doceri et delectari, fleti autem lacrymis indicabant. Quas ubi aspexi, immanem illam consuetudinem a patribus et avis, longeque a majoribus traditam, quæ pectora corum hostiliter obsidebat, vel potius possidebat, devictam, antequam re ipsa id ostenderent, credidi. Moxque sermone finito ad agendas Deo gratias corda atque converti. Et ecce jam ferme octo vel amplius anni sunt (2), propitio Christo, ex quo illic nihil tale tentatum est. Sunt et alia multa experimenta, quibus didicimus, homines quid in eis fecerit sapientis granditas dictionis, non cla-

more potius quam gemitu, aliquando etiam lacrymis, postremo vita mutatione monstrasse.

LIV. Submisso etiam dicendi genere sunt plerique mutati, sed ut quod nesciebant, scirent, aut quod eis videbatur incredibile, crederent; non autem ut agerent quod agendum jam noverant, et agere solebant. Ad hujusmodi namque duritiam flectendam, debet granditer dici. Nam et laudes et vituperationes quando eloquenter dicuntur, cum sint in genere temperato, sic afficiunt quosdam, ut non solum in laudibus et vituperationibus eloquentia delectentur, verum et ipsi laudabiliter appetant, fugiantque vituperabiliter vivere. Sed numquid omnes qui delectantur, mutantur, sicut in grandi genere omnes qui fluctuant, agunt; et in submisso genere omnes qui docentur, sciant, aut credunt verum esse quod nesciunt?

Alius infinitus locutus, submisso mundo modis ibimus nos hic in, secundum finis illius sic non saeculos.

Alii, inservi, si volunt, etiam in aliis sermonibus tempore, et in aliis, etiam in aliis non: summa non sum. **CAPUT XXV.** Inquit natus tu in mundum ois, mundus enim eni non: summa non sum. *Temperatum dicendi genus quem in finem referri decet.*

LV. Unde colligitur illa duo genera quod efficere intendunt, hoc eis esse maxime necessarium, qui sapienter et eloquenter volunt dicere. Illud vero quod agitur genere temperato, id est, ut eloquentia ipsa delectet, non est propter se ipsum usurpandum, sed ut rebus que utiliter honesteque dicuntur, si nec docente indigent eloquio nec movente, quia et scientes et faventes auditores habent; aliquanto promptius ex delectatione ipsa elocutionis, accepta vel tenacius adhaerescat assensus. Nam cum eloquen-

sit universale officium, in quocumque istorum trium generum, dicere apte ad persuasionem; finis autem, id quod intenderis, persuadere dicendo; in quocumque istorum trium generum dicit quidem eloquens apte ad persuasionem, sed nisi persuadeat, ad finem non pervenit eloquentiae. Persuadet autem in submisso genere vera esse qua dicit: persuadet in grandi, ut agantur quae agenda esse jam sciuntur, nec aguntur: persuadet in genere temperato, pulchre ornataque se dicere: quo fine nobis quis opus est? Appetant eum qui lingua gloriantur, et se in panegyricis talibusque dictiomibus jactant, ubi nec decadens, nec ad aliquid agendum movendus, sed tantummodo est delectandus auditor. Nos vero istum finem referamus ad alterum finem, ut scilicet quod efficere volumus, cum granditer dicimus, hoc etiam isto velimus, id est, ut bona morum diligantur, vel devitentur mala; si ab actione non sic alieni sunt homines, ut ad eam grandi genere dictions urgendi videantur: aut si iam id agunt, ut agant studiosius, atque in eo firmiter perseverent. Ita fit ut etiam temperati generis ornata, non jactanter, sed prudenter tamatur: non ejus fine contenti, quo tantummodo delectatior auditor; sed hoc potius agentes, ut etiam ipso ad bonum quod persuadere volumus, adjuvetur.

DE DOCTRINA CHRISTIANA LIB. IV.

CAPUT XXVI.

CAPUT XXVI.

In unoq uoque dicendi genere intendere debet orator, ut intelligenter, libenter et obedienter audiatur.

LVI. Illa itaque tria, quæ supra posuimus, eum qui sapienter dicit, si etiam eloquenter vult dicere, id agere debere, ut intelligenter, ut libenter, ut obediens audiatur, non sic accipienda sunt tanquam singula illis tribus dicendi generibus ita tribuantur, ut ad submissum intelligenter, ad temperatum libenter, ad grande pertineat obediens audiri; sed sic potius ut haec tria semper intendant, et quantum potest agat, etiam cum in illorum singulo quoque versatur. Nolumus enim fastidiri, etiam quod submissi dicimus: ac per hoc volumus non solum intelligenter, verum etiam libenter audiri. Quid autem agimus, divinis testimoniis dictando quod dicimus, nisi ut obediens audiamur, id est, ut credatur eis, opinante illo cui dictum est: « Testimonia tua credita facta sunt valde? » Quid etiam cupit nisi credi, qui aliquid, licet submisso eloquo, dissentibus narrat? et quis eum velit audire, nisi auditorem nonnulla etiam suavitate debeat? Nam si non intelligatur, quis nesciat nec libenter eum posse, nec obediens audiri? Plerumque autem dictio ipsa submissa, dum solvit difficillimas questiones, et inopinata manifestatio demonstrat, dum sententias acutissimas de nescio quibus quasi cavernis, unde non spectabatur, eruit, et ostendit; dum adversarii convincit

Psal. xcii, 5.

errorem, et docet falsum esse, quod ab illo dici videbatur invictum; maxime quando adest ei quoddam decus non appetitum, sed quadam modo naturale, et nonnulla, non jactanticula, sed quasi necessaria, atque (ut ita dicam) ipsis rebus extorta numerositas clausularum; tantas acclamations excitat, ut vix intelligatur esse submissa. Non enim quia neque incedit ornata, neque armata, sed tanquam nuda congregitur, ideo non adversarium nervis lacerisque collidit; et obsistentem subruit ac destruit membris fortissimi falsitatem. Unde autem crebro et multum acclamatur ita centibus, nisi quia veritas sic demonstrata, sic defensa, sic invicta delectat? Et in hoc igitur genere submisso iste noster doctor et doctor id agere debet, ut non solum intelligenter, verum etiam libenter et obedienter audiatur.

LVII. Illa quoque eloquentia generis temperati apud eloquentem ecclesiasticum, nec inornata relinquitur, nec indecenter ornatur; nec solum hoc appetit ut delectet, quod solum apud alios proficitur; verum etiam in iis que laudat, sive vituperat, istis appetendis vel firmius tenendis, illis autem devitandis vel respendendis, vult utique obedientier audiri. Si autem non auditur intelligenter, nec libenter potest. Proinde illa tria, ut intelligent qui audiunt, ut delectentur, ut obedient, etiam in hoc genere agendum est, ubi tenet delectatio principatum.

LVIII. Jamvero ubi movere et flectere grandi genere opus est auditorem, (quod tunc est opus, quando et veraciter dici et suaviter, confitetur, et tamen non vult facere quod dicitur;) dicendum est procul dubio granditer. Sed quis movetur, si nescit quod dicitur? Aut quis tenetur ut audiat, si non delectatur? Unde et in isto genere, ubi ad obedientiam cor durum dictiomis granditate

flectendum est, nisi et intelligenter et libenter qui dicit audiatur, non potest obedientier audiri.

CAPUT XXVII.

Obedientius audiri cuius vita dictioni respondet.

LIX. HABET autem ut obedientier audiatur, quantacumque granditate dictio majus pondus vita dicentis. Nam qui sapienter et eloquenter dicit, vivit autem nequiter, erudit quidem multos discendi studiosos, quamvis « Animæ suæ » sit inutilis¹, » sicut scriptum est. Unde ait et Apostolus: « Sive occasione, sive veritate, Christus annuntiatur². » Christus autem veritas est, et tamen etiam non veritate annuntiari veritas potest, id est, ut pravo et fallaci corde, que recta et vera sunt, prædcentur. Sic quippe annuntiatur Jesus Christus ab eis, qui sua querunt, non que Jesu Christi. Sed quoniam boni fideles non quemlibet hominum, sed ipsum Dominum obedientier audiunt, qui ait: « Quæ dicunt, facite; quæ autem faciunt, facere non» lite, dicunt enim, et non faciunt: » ideo audiuntur utiliter, qui etiam utiliter non agunt. Sua enim querere student, sed sua docere non audent, de loco scilicet superiore sedis ecclesiastice, quam sana doctrina constituit. Propter quod ipse Dominus prius quam de talibus, quod commemoravi, diceret, premisit: « Super cathedram » Moysi sederunt. » Illa ergo cathedra, non eorum sed Moysi, cogebat eos bona dicere, etiam non bona facientes. Agebant ergo sua in vita sua; docere autem sua, cathedralis illos non permettebat aliena.

¹ Eccl. xxxvii, 22. — ² Philip. i, 18.

LX. Multi itaque prosum dicendo quae non faciunt; sed longe pluribus prodessent faciendo quae dicunt. Abundant enim qui malæ vite sua defensionem ex ipsis suis præpositis et doctoribus querant, respondentes corde suo, aut etiam si ad hoc erumpunt, ore suo, atque dicentes: « Quod mili præcips, cur ipse non facis? » Ita fit ut eum non obediencerent audiant, qui se ipse non audit, et Dei verbum quod eis prædicatur, simul cum ipso prædicatore contemnant. Denique Apostolus scribens ad Timotheum, cum dixisset: « Nemo adolescentiam tuam contemnet; » subiectum unde non contemneretur, atque ait: « Sed forma esto fidelium in sermone, in conversatione, in dilectione, » in fide, in castitate¹. »

CAPUT XXVIII.

Veritati potius quam verbis studendum. — Verbis contendere quid sit.

LXI. TALIS doctor ut obediencerent audiatur, non impudenter non solum submissis ac temperatis, verum etiam granditer dieit, quia non contemptibiliter vivit. Sic namque eligit bonam vitam, ut etiam bonam non negligat famam, sed provideat bona eorum Deo et hominibus², quantum potest, illum timendo, his consulendo. In ipso etiam sermone malit rebus placere quam verbis; nec aestimari dici melius, nisi quod dicitur verius; nec doctor verbis serviat, sed verba doctori. Hoc est enim quod Apostolus ait: « Non in sapientia verbi, ne evacuetur crux Christi³. » Ad hoc valet etiam, quod ait ad Timotheum:

¹ Tim. iv, 13. — ² 2 Cor. viii, 21. — ³ 1 Cor. viii, 17.

« Noli verbis contendere: ad nihil enim utile est, nisi ad subversionem audientium⁴. » Neque enim hoc ideo dictum est, ut adversaris oppugnantibus veritatem, nihil nos pro veritate dicamus. Et ubi erit quod cum ostenderet qualis esse episcopus debeat, ait inter cetera: « Ut potens sit in doctrina sana et contradicentes redargueret. » Verbis enim contendere, est non curare quomodo error veritate vincatur, sed quomodo tua dictio dictio præferatur alterius. Porro qui non verbis contendit, sive submissis, sive temperatis, sive granditer dicat, id agit verbis ut veritas patet, veritas placeat, veritas moveat: quoniam nec ipsa, qua praecepsit finis et plenitudo Legis est charitas, ullo modo recta esse potest, si ea quae diliguntur, non vera, sed falsa sunt. Sicut autem cuius pulchrum corpus et deformis est animus, magis dolendus est, quam si deforme haberet et corpus: ita qui eloquenter ea quae falsa sunt dicunt, magis miserandi sunt, quam si talia deformiter dicerent. Quid est ergo non solum eloquenter, verum etiam sapienter dicere, nisi verba in submisso genere sufficientia, in temperato splendentia, in grandi vehelementa, veris tamen rebus, quas audiri oportet, adlibere⁵? Sed qui utrumque non potest, dicat sapienter quod non dicit eloquenter, potius quam dicat eloquenter quod dicit insipienter. Si autem ne hoc quidem potest, ita conversetur, ut non solum sibi præmium compareret, sed etiam præbeat aliis exemplum, et sit ejus quasi copia dicendi forma vivendi.

⁴ 2 Tim. ii, 14. — ⁵ Tit. i, 9.

.....

CAPUT XXIX¹.
*Non culpandas Ecclesiastes, qui a peritiose sumit
conscriptum eloquium, quod ad populum proferat.*

LXII. Sunt sane quidam qui bene pronuntiare possunt, quid autem prouunt, excogitare non possunt. Quod si ab aliis sumant eloquenter sapienterque conscriptum, memorieque commendent, atque ad populum proferant; si eam personam gerunt, non improbe faciunt. Sic enim, quod profecto utile est, multi predicatoris veritatis fuent, nec multi magistri, si unius veri magistri id ipsum dicant omnes, et non sint in eis schismata. Nec deterredunt sunt isti voce Jeremie propheta, per quem Deus arguit eos, qui « Furantur verba ejus, unusquisque a proximo suo². » Qui enim furantur, alienum auferunt; verbum autem Dei non est ab eis alienum, qui obtemperant ei: potius que ille dicit aliena, qui cum dicat bene, vivit male. Quaecumque enim bona dicit, ejus excogitari videntur ingenio, sed ab ejus moribus aliena sunt. Eos itaque dixit Deus furari verba sua, qui boni volunt videri, loquendo quae Dei sunt; cum mali sint, faciendo quae sua sunt. Nec sane ipsi dicunt bona, quae dicunt, si diligenter attendas. Quomodo enim dicunt verbis, quod negant factis? Non enim frustra de talibus ait Apostolus: « Confitentur se » nosse Deum, factis autem negant³. » Modo ergo quodam ipsi dicunt, et rursus alio modo non ipsi dicunt, quoniam utrumque est quod veritas ait. De talibus enim loquens:

¹ Caput in vetustis editis male incipit ad verba praecedentia: *Sicut autem, etc.*
 — ² Jer. xxii, 30. — ³ Tit. i, 16.

« Quae dicunt, inquit, facite; quae autem faciunt, facere nolite! » hoc est, Quod ex ore illorum auditis, facite; quod in opere videtis, facere nolite: « Dicunt enim, inquit, et non faciunt. » Ergo quamvis non faciant, dicunt tamen. Sed alio loco tales arguens: « Hypocrite, inquit, quomodo potestis bona loqui, cum sitis mali? » Ac per hoc et ea quae dicunt, quando bona dicunt, non ipsi dicunt, voluntate scilicet atque opere negando quod dicunt. Unde contingit, ut homo disertus et malus, sermonem quo veritas predicetur, dicendum ab alio non diserto sed bono, ipse componat: quod cum sit, ipse a se ipso tradit alienum, ille ab alieno accipit suum. Cum vero boni fidèles bonis fidelibus hanc operam commendant, utrique sua dicunt: quia et Deus ipsorum est, cuius sunt illa quae dicunt; et ea sua faciunt, quae non ipsi componere potuerunt, qui secundum illa composite vivunt.

.....

CAPUT XXX.
Concionator premitat orationem ad Deum.

LXIII. Sive autem apud populum vel apud quoslibet jamjamque dicturis, sive quod apud populum dicendum vel ab eis qui voluerint aut potuerint legendum est dictator, oret ut Deus sermonem bonum det in os ejus. Si enim regina oravit Esther, pro sue genti temporaria salute locutura apud regem, ut in os ejus Deus congruum sermonem daret¹: quanto magis orare debet, ut tale munus accipiat, qui pro æterna hominum salute in verbo et doctrina laborat? Illi vero, qui ea dicturi sunt, quæ ab

¹ Math. xxiii, 3. — ² Id. xii, 34. — ³ Esther. xiv, 13.

aliis acceperunt, et antequam accipiant, orent pro eis a quibus accipiunt, ut eis detur quod per eos accipere volunt; et cum acceperint, orent ut bene et ipsis proferant, et illi ad quos proferunt sumant; et de prospero exitio dictum eidem gratias agant, a quo id se accipessent non dubitant: « Ut qui gloriat, in illo glorietur, in cuius manu sunt et nos et sermones nostri ».

CAPUT XXXI

LXIV. Longior evasit liber hic quam volebam, quamque putaveram. Sed legenti vel audienti, cui gratus est, longus non est: cui autem longus est, per partes sum legat, qui habere vult cognitum: quem vero cognitionis ejus piget, de longitudine non queratur. Ego tamen Deo nostro gratias ago, quod in his quatuor libris non qualis ego essem, cui multa desunt, sed qualis esse debeat, qui in doctrina sancta, id est, christiana, non solum sibi, sed etiam aliis labore studet, quantulacumque potui facultate disserui.

S. AUR. AUGUSTINI
HIPPONENSIS EPISCOPI
DE GENESI AD LITTERAM.

IMPERFECTUS LIBER⁴.

TRACTATUR INITIUM GENESEOS USQUE AD HUNC VERSICULUM 26, 5. « FACIAMUS
... HOMINEM AD IMAGINEM ... ETC.

CAPUT I.

*Præmittitur fides catholica. — Peccatum quid? —
Pœna peccati quid? — Peccata naturalia. — Ca-
tholica Ecclesia unde dicuntur.*

I. De obscuris naturalium rerum², quæ omnipotente
Deo artifice facta sentimus, non affirmando, sed que-
rendo tractandum est, in libris maxime, quos nobis
divina commendat auctoritas, in quibus temeritas asse-
rendae incerta dubiaque opinionis, difficile sacrilegii cri-
men evitat: ea tamen querendi dubitatio catholicae fidei
metas non debet excedere. Et quoniam multi hæretici ad
suam sententiam, quæ præter fidem est catholice disci-
plina, expositionem Scripturarum divinarum trahere

¹ Scriptus circiter Christi annum 393. Vide *Retract.* lib. 1, cap. 18.
² Vide D. Guillon tom. xxi, pag. 314-317.